

9(77.922), 13

გორის მხარეთმცოდნეობის მუზეუმი



სერბი მაკალათია

დიმიტრი თავდადებული

K 3.050  
1



საქართველოს იუსტიცია 13.2.75



„მამულისთვის ვის ახსოვდა  
განსაცდელი განსაცდელში  
ტროფობა გვექონდა გულში აბჯრად  
და სატევრად—ნმალი ხელში“.

(ი. ჭ ა ვ ჭ ა ვ ა ძ ე — დიმიტრი თავდადებული).

სპეზ-2000  
შემოწმებულია

ს. ჯ. ს. კ. 1960 32

„ვიცი, რომ არ შეშინდება  
გული მეუის დიმიტრისა,  
როცა ნდომობს თავგანწირვას  
დიდი საქმე ქვეყნის ხსნისა“.

(ი. ქ ა ვ ქ ა ვ ა ძ ე — დიმიტრი თავდადებული)

საქართველოს ისტორიულ წარსულში სამშობლოსათვის თავგანწირვის დიადი და იშვიათი მაგალითი ჩვენ მოგვცა მეფე დიმიტრიმ, რომელიც ქვეყნის ხსნისათვის უშიშრად წარსდგა მონღოლთა ჯარდოში, წარსაკვეთად თავი დახარა და პოეტის (ილია ქავჭავაძის) მიერ გარდათქმით სთქვა:

„არ არის მკვდარი, ვინც მოჰკვდეს  
და ხალხს შესწიროს დღენია,  
მკვდრად იგი თქმულა, ვისაც აქ  
სახელი არ დარჩენია“.

ამის გამო მადლიერმა ქართველმა ერმა მას უწოდა თავდადებული.

მაგრამ სანამ ჩვენ შეუდგებოდეთ დიმიტრი მეფის გმირული თავდადების ეპიზოდის გადმოცემას, საჭიროა

ზოგადად გავეცნოთ იმ მძიმე საზოგადოებრივ პოლიტიკურ ვითარებას, რომელშიაც მას მოუხდა მოღვაწეობა. ეს იყო ჩვენში მონღოლთა ბატონობის პერიოდი, როდესაც საქართველო მე-XIII-XIV საუკუნეში ერთბაშად დაადგა დაცემისა და დაკნინების გზას. მონღოლები ჩვენში ბატონობდნენ საუკუნე ნახევრის მანძილზე და ეს ხანა ისტორიაში სამართლიანად ითვლება დაქვეითების ხანად. ეს დაქვეითება გამოწვეული იყო უმთავრესად მონღოლების შემოსევებით შექმნილი საგარეო და საშინაო პოლიტიკური მდგომარეობით.

მონღოლთა ულუსები (ტომები) ცხოვრობდნენ აღმოსავლეთ აზიაში. მე-XII საუკუნემდის მონღოლები ცალკე ტომებად იყვნენ დაყოფილი და ეწეოდნენ მომთაბარე ცხოვრებას. მათში ერთ ერთ ტომს ეწოდება „მენ გუ“, „მონ გუ“ ან „მონ-გუ-ლი“ და ამ ტომის გაძლიერებასთან ეს სახელი გადაიქცა ყველა ტომების საერთო სახელად. საქართველოში და რუსეთში მათ უწოდებდნენ თათრებს.

მონღოლების ისტორია ფაქტიურად იწყება მას შემდეგ, როდესაც მათ სათავეში მოექცა თემუჩი, რომელმაც 1206 წელს შემუსრა თავისი მეტოქე ხანები (ტომების მეთაურები) და გააერთიანა მონღოლების ქვეყანა. ამის შემდეგ ის აღიარებული იქმნა ყაენად (მეფედ) და მან მიიღო ჩინგიზ-ხანის სახელწოდება.

ჩინგიზ-ხანს განზრახვა ჰქონდა მონღოლების გაერთიანების შემდეგ გადასულიყო მეზობელ ქვეყნების დაპყრობაზე და ამ მიზნით მან შესძლო მთელი მონღოლეთი

გადაექცია სამხედრო ბანაკად და მონღოლები — კი გულად  
მეომრებად.

1213 წლიდან ჩინგიზ-ხანი შეესია ჩინეთს, <sup>ერეკლესი</sup> <sup>საბოლოო</sup>  
შემდეგ მან დაიპყრო ხვარაზმი, ბუხარა, ხორასანი და  
ირაქი. 1220 წ. მონღოლები დაზვერვის მიზნით შემო-  
დიან საქართველოში, საიდანაც მათ გაიარეს დარუბანდი  
და აქედან გადავიდნენ ჩრდილოეთის მხარეში. 1236 წელს  
მათ დაიპყრეს მთელი რუსეთის ტერიტორია.

საქართველოში მონღოლები რამდენჯერმე შემოიპრ-  
ნენ (1220 და 1221 წლებში). 1235 წელს მათ აიღეს  
თბილისი და ჩქარუ დაიპყრეს მთელი აღმოსავლეთი სა-  
ქართველო. მხოლოდ დასავლეთ საქართველოში ვერ  
შესძლეს მაშინ მონღოლებმა ფეხის მომაგრება.

ამგვარად მონღოლებმა მოკლე ხანში ხელში ჩაიგდეს  
უზარმაზარი ტერიტორია შუააზიიდან დაწყებული და-  
სავლეთ ევროპამდის და თავიანთ მოხარკედ აქციეს მრავ-  
ალი სახელმწიფოები და ქვეყნები.

მონღოლებს ყველა დაპყრობილი ქვეყნები თავიანთ  
საკუთრებად მიაჩნდათ და ამის გამო მეფე-მთავრებს ჩინ-  
გიზ-ხანისაგან უნდამიელოთ დამტკიცების სიგელი, რომ-  
ლის მისაღებად ისინი იძულებული იყვნენ დიდი ძღვე-  
ნით და საჩუქრებით ხლებოდნენ ჩინგიზ-ხანს შორეულ  
ურდოში (ურდო მონგოლურად ნიშნავდა ბანაკს).

მონღოლები დაპყრობილ ქვეყნებს დიდი გადასახადე-  
ბით ბეგრავდნენ, რომლის ასაკრებად მიმართავდნენ  
მკაცრ ზომებს. ვინც გადასახადს დროზე არ იხდიდა, მას  
მოელოდა მონღოლთა მოხელეებისაგან სასტიკი სასჯელი,

სახელდობრ, ისინი გზავნიდნენ დამსჯელ რაზმებს, რომლებიც მოსახლეობას არბევდნენ, სწვავდნენ სოფლებსა და ქალაქებს და ხალხი ტყვედ მიჰყავდათ შორეულ ქვეყნებში.

მონღოლები თავდაპირველად კულტურულ-ეკონომიური განვითარების თვალსაზრისით მეტად დაბალ დონეზე იდგნენ. არ იყო მათში განვითარებული ხელოსნობა და ვაჭრობა, არ ჰქონდათ საკუთარი დამწერლობა და კულტურა. მხოლოდ კულტურულად დაწინაურებული ერების დაპყრობის შემდეგ მათ გადმოიღეს უიღურული (ციმბირის თურქების) დამწერლობა და არაბ-სპარსელებისაგან მიიღეს მაჰმადიანური რწმენა.

თუმცა მონღოლებმა დაიპყრეს მრავალი კულტურულად დაწინაურებული ერები, რომლებსაც მძიმე გადასახადებით ტყავს აძრობდნენ, მათ ვერ შესძლეს დაპყრობილი ქვეყნების კულტურული მემკვიდრეობის სათანადოდ ათვისება. წინააღმდეგ ამისა, მონღოლები დაპყრობილ ხალხებს უხშობდნენ კულტურულ შემოქმედების შესაძლებლობას, განსაკუთრებით სდევნიდნენ ქრისტიანულ რწმენასა და კულტურას, ანადგურებდნენ ქრისტიანულ ძეგლებსა და ეკლესია-მონასტრებს.

ამის გამო მონღოლთა ქვეშევრდომ ქრისტიანულ ქვეყნებში, რომელთა რიცხვში საქართველოც შედიოდა, კულტურულ შემოქმედების კერები ჩაიფერფლა და საზოგადოებრივი ცხოვრებაც დაადგა კულტურულ დაქვეითების გზას. ამას ხელს უწყობდა უმთავრესად მონღოლთა ეკო-

ნომიური პოლიტიკა, რომლის მიზანი იყო რაც შეიძლება მეტი გადასახადები ამოექაჩა მოსახლეობისაგან. დიდმა ხარკიანობამ საქართველოს მოსახლეობას სასურსებო საშუალებანი დაუშრიტა. ადგილ-მამული ჩალისფასად იყიდებოდა, ფული გაქრა, ფეოდალები საეკლესიო და სხვა მამულებს იტაცებდნენ, გლეხები სახლ-კარს სტოვებდნენ და გარბოდნენ. ამას ერთოდა აგრეთვე გადასახადების აკრეფის იჯარით გაცემის სისტემა და აგრეთვე მექრთამეობა, რომელიც ძლიერ იყო საყაენოში გავრცელებული.

მონღოლთა ბატონობის პერიოდს უმთავრესად ახასიათებდა შინაური დინასტიური ბრძოლები, რომელნიც გამომდინარეობდნენ მონღოლური მართველობის სისტემიდან. დაპყრობილ ქვეყნებს მონღოლთა ყაენები თავიანთ საკუთრებად სთვლიდნენ და ამ ქვეყნებს შემდეგ უყოფდნენ თავიანთ შვილებსა და ნათესაებს. ამგვარად მონღოლების ყაენს თავისი სახელმწიფო საგვარეულო საკუთრებად მიაჩნდა. მის მემკვიდრეებს უფლება ეძლეოდათ ამ საკუთრებიდან თავისი წილი მიეღოთ. ამიტომაც ასეთი მემკვიდრეობითი დამოკიდებულება ყაენთან მხოლოდ ფორმალურ ხასიათს ატარებდა და მონღოლების მიერ შექმნილი უზარმაზარი სახელმწიფო ფაქტიურად ოთხ ნაწილად (საყაენოდ) გაიყო: 1) მთავარი საყაენო, რომელშიაც შედიოდა აღმოსავლეთი აზია მონღოლეთით და ჩინეთით, 2) ჯაგატაის სახელმწიფო შუა-აზიაში (ჯაგატაი იყო ჩინგიზყაენის შვილიშვილი), 3) ოქროს ურდოს სახანო აღმოსავლეთ ევროპაში, 4) ილხანების სახელმწიფო, რომელშიაც შედიოდა წინა-აზია (ირანი, შუამდინარეთი

და მცირე აზია). ამ სახელმწიფოს ემორჩილებოდა ქართველოც.

მონღოლების საყაენოში დაკანონებული იყო ცოლიანობა. ამიტომ, როდესაც ყაენი გარდაიცვლებოდა, მის მემკვიდრეებს შორის მაშინვე ატყდებოდა ტახტის გარშემო ბრძოლა და ყაენის შვილებში ვინც უფრო ძლიერი აღმოჩნდებოდა, ის აღიოდა ყაენის ტახტზე. ეს იწვევდა ყაენის მემკვიდრეთა შორის სასტიკ ბრძოლას, რომელშიაც ჩათრეული იყვნენ ქვეშევრდომ ქვეყნების მეფე-მთავრებიც.

მონღოლების ზეგავლენით საქართველოც განიცდიდა მორალურ დაქვეითებას და საქართველოს მეფე-დიდებულებიც მონღოლების წაბაძულობით აშკარად არღვევდნენ ძველი დროიდან დამკვიდრებულ თავიანთ წესებს და თანდათანობით ითვისებდნენ მონღოლურ მაჰმადიანურ ჩვევებს. სხვათა შორის გახშირდა მრავალცოლიანობა, რასაც ქრისტიანული ეკლესია ებრძოდა. მაგრამ მეფე და დიდებულები ამას ანგარიშს არ უწევდნენ და ურჩ მღვდელ-მთავრებს თანამდებობიდან ხსნიდნენ და სდევნიდნენ.

ასე მოიქცა სხვათა შორის თვით დიმიტრი თავდადებულიც, რომლის შესახებ ქართველი მემატიანე მოგვითხრობს:

„აქამომდე მეფე დიმიტრი კეთილად მმართველი... სისრულისაგან მცირედ მიდრკა, და აღერია წარმართთა და ისწავლა საქმენი მათნი უძღებისა და სიძვისა: გულისსიტყვისა უკანა შედგომილმან მოიყვანა ცოლნი სამნი, რომლისათვისცა ნიკოლოზ კათალიკოზი განრისხებული უთქ-



მიდავე და ამხილებდა მრავლად და ვერ დაარწმუნა. (ბმ-  
ტომ) დაუტევა კათალიკოზობა“-ო.

ყველაფერი ეს, რასაკვირველია, ხელს უწყობდა <sup>ეროვნული</sup> ~~არსებობა~~ <sup>არსება</sup>  
ბული პოლიტიკური უთანხმოების გამწვავებას და სახელ-  
მწიფოს საზოგადოებრივი ზეგავლენის შესუსტებას.

აღმოსავლეთ საქართველოში მონღოლებს მაგრად  
ჰკონდათ ფეხი მომაგრებული, მათი ბატონობის ქვეშ  
მოქცეული იყო მთელი ქართლი მესხეთ-ჯავახეთით.  
რაც შეეხება დასავლეთ საქართველოს, მონღოლებს აქარ  
გაულაშქრით და იმერეთის სამეფოც ნაკლებად განიც-  
დიდა მონღოლების ბატონობის სიმძიმეს.

ამ დროს ქართლში მეფობდა დიმიტრის მამა ულუ-  
დავითი V, ლაშა გიორგის ძე (1259-1269), რომელიც  
სამეფო ტახტისათვის ამზადებდა თავის პირმშო შვილს  
დიმიტრის. დავით V, სახელწოდებით ულუ, რაც მონ-  
ღოლურად ნიშნავდა უფროსს, იყო გულადი და ძლიერი  
ნებისყოფის მეფე, მაგრამ იგი იძულებული იყო შერი-  
გებოდა მონღოლთა ბატონობას, ვინაიდან მონღოლებ-  
მა იგი აღადგინეს ტახტის მემკვიდრის უფლებაში და  
დაამტკიცეს საქართველოს მეფედ. ამასთანავე მონღო-  
ლები ცდილობდნენ დავითის გამოყენებას კავკასიისა და  
აღმოსავლეთის ქვეყნების დაპყრობის საქმეში და მას  
ერთგვარი ნდობითა და პატივისცემით ეპყრობოდნენ. ულუ  
დავითიც ამ ხელსაყრელ პირობებს იყენებდა თავის პო-  
ლიტიკურ მიზნებისათვის, რათა განემტკიცებინა მონღო-  
ლების ბატონობით შერყეული მეფის ძალა-უფლებები.  
ამ მიზნით ულუ-დავითი უახლოვდება მონღოლებს. ყაენის

მოწოდებით იგი იღებს მონაწილეობას მონღოლებს შორის  
რეულ ლაშქრობაში, რომელშიაც მან თავი ისახილა ვაჟი  
კაცობითა და გმირობით.

1258 წელს დავითმა ჰულაგუ ყაენთან ერთად გაი-  
ლაშქრა შუამდინარეთში მაშინ უმდიდრეს ქალაქად ცნო-  
ბილ ბაღდადზე. აქ დავითის ჯარმა ყაენს დიდი დახმა-  
რება აღმოუჩინა და 12 დღის ალყის შემორტყმის შემ-  
დეგ მონღოლებმა ეს ქალაქი აიღეს და გაძარცვეს. ამ  
ბრძოლაში ქართველებს დიდი გულადობა გამოუჩენიათ  
და გამარჯვებული დავით მეფე საქართველოში მდიდარი  
ნადავლით დაბრუნებულა.

ამის შესახებ ქართველი მემკვიდრე მოგვითხრობს:  
„რომ აღივსნეს თათარნი და ქართუელნი ოქროთა, ვერცხ-  
ლითა, მარგალიტითა, ლარითა და არაფინ აიღებდა, თვი-  
ნიერ ოქროსა და ვერცხლისა...სხვანი ჭურჭელნი, სპილენ-  
ძი და რკინა უპატიოდ მიმოდანიბნეოდა და ილეწებოდა,  
რამეთუ ესრეთ აღივსნეს ლაშქარნი, რომელ უნაგირი  
ცხენ-ჯორისა თვალითა და მარგალიტითა და წითლითა  
ოქროთა განტენიან, და ზოგთა ხრმალი ვადის პირსა მოს-  
ტეხიან და ქარქაში ოქროთა განტენიან და ზედ ვადა  
ჩააგიან. ზოგთა მკუდარი კაცი ბაღდადელი გამოწლიან  
და ოქროთა, თვალითა და მარგალიტითა განტენიან, და  
ვითარცა თვისი მკუდარი განიყვანიან გარეშე ქალაქი-  
საო“-ო.

1251 წელს მუნქე ყაენმა მოლაშქრეთა და ხარ-  
ჯის აკრეფის რაოდენობის გამოსარკვევად განიზრახა  
ყველა დაპყრობილი ქვეყნების აღწერა და გადასახადე-

ბით დაბეგვრა. ამ მიზნით ყაენმა ეს საქმე მიანდო არ-  
ლუნს, რომელმაც 1254 წელს მოახდინა საქართველოს  
სამეფოს მოსახლეობისა და მისი ქონების აღწერა. მოწვე-  
ლოლებმა აღწერეს: პირუტყვი, ყანა, ვენახი, წალკოტ-  
ბოსტანი და სხვა. ყაენმა არლუნს აგრეთვე უბრძანა შეედ-  
გინა მამაკაცთა სია 15 წლის ასაკიდან 60 წლამდის და  
9 გლეხიდან ჯარში ერთი კაცი გაეყვანა.

არლუნის ზიერ მოსახლეობის აღწერამ დიდი შიში გა-  
მოიწვია საქართველოში და ამის შესახებ მემატთანე მო-  
გვითხრობს:

„და ვითარცა არლუნი მოიწია საქართველოსა, დიდ-  
სა ქირსა მიეცნეს ყოველნი მკვიდრნი ამის სამეფოსანი,  
და იწყეს (მონგოლთ) აღწერად კაცთა-გან და პირუტყვთამ-  
დე, ყანით ვენახამდე, და წალკოტით ბოსტნამდე. და  
ცხრასა გლეხსა სრულისა მიწისა მქონებელსა ერთი ლაშ-  
ქარს წარმავალი კაცი შეაგდიან. და განაწესეს ძღვენი  
სოფლისაგან—ათასისა მხედრისა მთავარსა კრავი ერთი  
და დრაჰკანი ერთი. ხოლო ბევრისა (ათი ათასისა) მთა-  
ვარსა—ცხოვარი ერთი, და დრაჰკანი ორი, და მიზდი (ქი-  
რა) ცხენისა, თეთრი სამი, დლისა ერთისაო“-ო.

ამგვარად მოსახლეობის საქონლისა და ადგილ-მამუ-  
ლის აღწერის შემდეგ მონღოლებმა დააწესეს ძღვნის  
რაოდენობა: ათასის მხედრის უფროსს ეძლეოდა ერთი  
კრავი და ერთი დრაჰკანი (ოქროს ფული), ხოლო ამაზე  
მეტის უფროსს—კი ცხვარი ერთი, დრაჰკანი ორი და ცხე-  
ნის მიზდი (ქირა) სამი თეთრი (ვერცხლის ფული).

მაგრამ მონღოლებმა მარტო ეს არ იკმარეს და არ-

ლუნმა სავაჭრო გადასახადიც დააწესა, რომელსაც „ცენ-  
ლა“ ეწოდებოდა: ყოველივე 100 თეთრის ნასყიდობაზე  
3 თეთრი, ანუ 3% უნდა საყაენოდ გადაეხადა. ამას  
ბაჟის ამკრებად არ ლუნმა თბილისში დანიშნა ერთი სპარ-  
სელი ხოჯა აზიზი. ეს მოხელე ისე გათამამებულია,  
რომ მეციის სასახლისათვის ნაყიდ ცხვარზედაც გადასა-  
ხადს მოითხოვდა: „ესოდენ უწესოებად მიიწია, რომელ  
თუ სამზარეულოსა მეფისასა ცხვარი, გინა კრავი ისყი-  
დებოდეს, მას ზედაცა ხარაჯა წაუღიან, რომელსა იგინი  
ტამლად უწოდდეს“-ო, ამბობს მემამტიანე.

ამას გარდა ორი ბეგარის მოხდაც სავალდებულო იყო:  
ერთს ეწოდებოდა „ყალანი“, ქართულად „სალაშქ-  
რო“, რომელსაც ფულად იხდიდნენ. მეორეს ერქვა „საი-  
ამე“ და იხდიდნენ ყაენის ელჩებისა და მათი ცხენების  
შესანახად.

ჩვეულებრივი სამეფო გადასახადების გარდა მოსახ-  
ლეობას ახალ მძიმე ტვირთად დააწვა მონღოლების ასე-  
თი დიდი ხარკი და ამან მეფიდან დაწყებული ყველა  
წოდება შეაშფოთა, განსაკუთრებით იტანჯებოდა მოსახ-  
ლეობის დაბალი წოდება, რომლის შრომით გაბატონე-  
ბული არისტროკატია ცდილობდა ამოდენა ხარკის გა-  
დახდას.

ამას ჩქარა მოჰყვა მოსახლეობის ეკონომიური და-  
ქვეითება და გაღატაკება. ის ოქრო-ვერცხლის ფულები  
თუ განძეულობა, რომელიც მაშინ საქართველოში მოი-  
პოვებოდა, სწრაფად გაჰქრა და მონღოლების ხარაჯაში  
და ბაჟში წავიდა. ფული გაძვირდა, საქონელი და მამუ-

ლი გაიფადა და დაეცა, ხარკის გადასახდელად უკლებლად სჭირდებოდა ფული და ამის გამოც ფული ძვირდებოდა და მამული კი იაფდებოდა. ამას მოწმობს 1259 წლის რკონის სიგელი, რომელშიაც კახა ერისთავთ-ერისთავი სჩივის, რომ „ხარკობისაგან ოქრო ძუირად იყვის და სოფელი იეფად.. რაიც ათი ათას თეთრად ღირდის, ხუთი ათას თეთრად ძლივ გავყიდე“-ო. აქედან სჩანს, რომ მამული და საქონელი ერთი ორად გაიფაფებულა, ფული კი გაძვირებულა.

ამას მოჰყვა მამულების იაფად დაგირავება თუ გაყიდვა, რათა როგორმე თავი დაეღწიათ მონღოლების მოხარკეობისაგან. ეს მით უმეტეს, რომ მონღოლებმა ხარკის აღებაში არავითარი შეღავათი და შებრალება არ იცოდნენ და ვინც გადასახადს ვერ გაიღებდა, მას „შვილებს ართმევდნენ“.

მონღოლების ამ მძიმე გადასახადებს მხოლოდ სასულიერო წოდება და მათი სამწყსო გადაურჩა სჯულის განურჩევლად:

„ხოლო ხუცესთა და მონაზონთა და საეკლესიოთა განწყესებათა არ შეაგდო საზღვავი და არც ყალანი, ეგრეთვე შიხთა, და დარვეშთა (ე. ი. მაჰმადიან სამღვდლოთა) და ყოვლისა ჰსჯულისა კაცნი სამღთოდ გაჩენილნი ათავისუფლნა“-ო, ამბობს მემატიაწე.

მაგრამ მიუხედავად ამისა, ეკლესიაც მძიმე ქონებრივ მდგომარეობას განიცდიდა. მას შეუმცირდა შემოსავალი. ამასთანავე გაღარიბებული მემამულენი ახლა ცდილობდნენ მათ წინაპართა მიერ ეკლესია-მონასტრებისათვის

შეწირული მიწები უკანვე წაერთმიათ და თავს ასე იმართ-  
ლებდნენ: „რა ვქნათ, ჟამისა ძნელბედობისა და საჭი-  
როებისა გამო იძულებული ვართ მიმტაცებლობა ვიკად-  
როთო“.

ამან გამოიწვია დიდი განხეთქილება სასულიერო წო-  
დებასა და მეფის ხელისუფლებას შორის და ეკლესია მე-  
ფეს შეჩვენებით ემუქრებოდა. ამის გამო 1263 წელს სამღ-  
ვდელოების მეთაურებმა მოიწვიეს საეკლესიო კრებაც,  
რომელსაც გადაწყვეტილი ჰქონდა მიემართა უკიდურეს  
ზომებისათვის, დაეკეტა ეკლესიები და შეეჩერებინა ყვე-  
ლა საეკლესიო წესების შესრულება. მაგრამ დავითმა შეს-  
ძლო მწიგნობართ-უხუცესის ჰქონდიდელ ბასილ უჯარ-  
მელის მიმხრობა და ეკლესია აიძულა მამულები დაებ-  
რუნებინა შემომწირველებისათვის.

მონღოლების ამ დიდი ხარკიანობის მძიმე შედეგებს  
მწვავედ განიცდიდა საქართველოს სამეფო და თვით და-  
ვით მეფეც, რომელიც ერთგული სამსახურით ცდილობ-  
და მონღოლების ბატონობის სიმკაცრის შენელებას. მაგ-  
რამ დავით V მიზანს ვერ აღწევდა და იგი უკმაყოფილო  
იყო, მით უმეტეს ხოჯა აზიზის ქცევით, რომელიც ისე  
გაკადნიერდა, რომ მეფის სამხარეულოში დაკლულ ცხვარ-  
ზედაც კი ხარაჯას იღებდა.

ამასთანავე მონღოლებისაგან ხარკის შემცირება თუ  
შეღავათის მიღება არ იყო მოსალოდნელი და ამის გა-  
მო დავითმა შესცვალა თავისი წინანდელი პოლიტიკური  
დამოკიდებულება ყაენთან და განიზრახა აჯანყება.

1262 წელს ჰულაგუ ყაენმა დააპირა ეგვიპტეზე გა-

ლაშქრება და მან გაიწვია ულუ დავითიც, მაგრამ <sup>დავით-</sup>  
მა სარგის ჯაყელის რჩევით ამაზე ყაენს უარი შეუთვალა. <sup>შეუთვალა</sup>  
ლა. ეს იყო აშკარა განდგომა და როდესაც გამარჯვებუ-  
ლი ყაენი ეგვიპტიდან დაბრუნდა, მან დავით მეფის და-  
სასჯელად გავზავნა დიდი ლაშქარი. აჯანყებული მეფე  
შეებრძოლა ყაენის ლაშქარს, მაგრამ დამარცხდა და გაი-  
ხიზნა იმერეთში, სადაც ის ნათესაურად მიიღო მისმა  
მამიდაშვილმა, რუსუდანის შვილმა ნარინ დავითმა  
(ნარინი მონღოლურად ნიშნავდა უმცროსს).

ჰულაგუ ყაენი ცდილობდა ულუ დავითის შერიგე-  
ბას და ურჩევდა მას თავის სამეფოში დაბრუნებას. ამ  
დროს ჰულაგუ ყაენს საფრთხე მოელოდა ოქროს ულუ-  
სის ბრძანებელის ბერქა ყაენისაგან, რომელიც უტყე-  
და მას ჩრდილოეთიდან და დიდი ჯარით აპირებდა და-  
რუბანდისაკენ გალაშქრებას. ბერქას საწინააღმდეგო  
ბრძოლაში ულუ დავითს დიდი დახმარების აღმოჩენა  
შეეძლო. ამის გამო ჰულაგუ ყაენი დაინტერესებული იყო  
ულუ დავითის ქართლში გადმოსვლით. ულუ დავითი ამი-  
სათვის სხვათა შორის მოითხოვდა, რათა ყაენს ხელთ  
მიეცა მისთვის ხარჯების ამკრები ხოჯა აზიზი, რომელიც  
სასტიკად ავიწროვებდა საქართველოს მოსახლეობას და  
რომელმაც მასაც მიაყენა შეურაცხყოფა. ბოლოს მათ შო-  
რის მოხდა შეთანხმება. დავითი დაბრუნდა თბილისში.  
მას გადასცეს ხოჯა აზიზი, რომელზედაც დავითმა შური  
იძია 1262 წელს და მას თავი მოჰკვეთეს.

ამის შემდეგ ულუ დავითი წავიდა ყაენთან ურდოში,  
შეუბრძა მას და აქტიურ მონაწილეობას იღებდა ყვე-

ლა იმ ბრძოლებში, რომელიც სწარმოებდა მონღოლთა ყაენებსა და ნოინებს შორის 1262—1270 წლის განმავლობაში. ულუ. დავითიც მონაწილეობას იღებდა მათგანსა, სანაპირო ბანაკის „სიბა“-ს გამაგრებაში და სხვებთან ერთად მასაც ევალებოდა ყოველ წლიურად, გარკვეულ ვადით, თავის ლაშქრით მდგარიყო სიბაზე. ამ ბანაკიდან დავითი დროებით ჩამოდიოდა საქართველოში, სადაც საქმეებს განაგებდა ჰყონდიდელი და ისევ სიბაში ბრუნდებოდა.

მონღოლები აფასებდნენ დავითის პირად ვაჟკაცობას, სამხედრო საქმის ცოდნას და გამოცდილებას. ამის გამო შირვანის ბანაკიდან მას ძნელად ანთავისუფლებდნენ. შირვანი მონღოლების მაგარი ბანაკი იყო, რომლის მიზანს შეადგენდა ჩრდილოეთის საზღვრის დაცვა და გამაგრება.

ჰულაგუ ყაენის გარდაცვალების შემდეგ 1265 წელს ყაენობა მიიღო მისმა მემკვიდრემ აბალაჟ. ამ დროს მონღოლთა ყაენებსა და მათი მემკვიდრეთა შორის დაიწყო დინასტიური შუღლი და ბრძოლა. აბალას საყაენოში შედიოდა მთელი ამიერ-კავკასია და საქართველოც. ამის გამო აბალას აქაც უხდებოდა თეგუდარისა, ბერქასა და სხვათა წინააღმდეგ თავდაცვა.

1266 წ. ოქროს ურდოს (აღმოსავლეთ ევროპის) მონღოლები დარუბანდის კარით შემოესივნენ შირვანს და აიკლეს ეს მხარე. მაგრამ აბალამ დიდი ბრძოლის შემდეგ მაინც შესძლო ბერქას ლაშქრის დამარცხება. ამიტომ აბალას თავდაცვისათვის ესაჭიროებოდა ერთგული



და გულადი მოკავშირე და ამ მიზნით მან დაიბახლოვა ულუ დავითი, რომელიც ამ დროს ქართველ ფეოდალებთან ერთად დიდ სამსახურს უწევდა მას შემდეგ მტრებთან ბრძოლაში.

მონღოლების ერთგულ სამსახურით ფეოდალების ერთი ნაწილი ცდილობდა დაწინაურებას და პირადი უფლებებისა და ძლიერების მოხვეჭას. ასეთები იყვნენ სხვათა შორის ავაგ ათაბაგი, სამცხის მთავარი სარგის ჯაყელი და სხვანი. ეს იწვევდა ფეოდალურ არისტოკრატიაში შურსა და ერთმანეთში მტრულ განწყობილებას, განსაკუთრებით სარგის ჯაყელისადმი, რომელიც აგრეთვე დიდად იყო დაწინაურებული ყაენის კარზე.

სასულიერო წოდებაც, რომელსაც ულუ დავითმა ბასილ ჭყონდიდელის რჩევით საეკლესიო მამულები ჩამოართვა და გადასცა შემომწირველებს, დიდად იყო უკმაყოფილო. სასულიერო წოდება ახლა ცდილობდა შური ეძია პირველ ვაზირ ბასილ ჭყონდიდელზე. ის მეფესთან დაამინეს—მას სხვათა შორის შესწამეს მეფის უფლებების უზურპაცია.

მეფემ საქმის ვითარების სათანადოდ გამოუძიებლად ბასილ ჭყონდიდელი სასტიკად დასაჯა, მას თავი მოჰკვეთეს და ძელზე ჩამოჰკიდეს.

ახლა სარგის ჯაყელის განდიდების მოშურნე ფეოდალები შეეცადნენ მტრობა ჩამოეგდოთ ულუ დავითსა და სარგის ჯაყელის შორის, რომელსაც შესწამეს მეფის ლალატი. მეფემ ამ შენთხვევაშიაც სისუსტე გამოიჩინა და სარგის ჯაყელი დაატუსაღა: „დაივიწყნა მსახურებანი მის.“

ნი, განზრახვითა უკეთურთა კაცთათა მოუწოდა პალატად (ე. ი. სასახლეში) და შეიპყრა შინა და ტყუე ყო<sup>ა</sup> ამ-  
ბობს მემატიანე.

საქონელო  
შინალოცხა

ულუ დავითს უნდოდა სარგისისათვის სამთავროს ჩამორთმევა და მისი სასტიკი დასჯა, მაგრამ ამის შესახებ სარგისის მომხრეებმა მაშინვე აცნობეს ყენს და სთხოვეს სარგის ჯაყელის განთავისუფლება. ულუ დავითიც იძულებული შეიქმნა ყენის ბრძანებით განთავისუფლებინა სარგის ჯაყელი, რომელიც წავიდა ყენთან და მას სთხოვა ყმობა და მფარველობა. ყენმა ეს თხოვნა რასაკვირველია დიდის სიამოვნებით აუსრულა. და ამგვარად სარგის ჯაყელი თავისი სამფლობელოთი გახდა ულუსის კუთვნილება, ე. ი. უშუალოდ ექვემდებარებოდა ყენს და მეფეს არ შეეძლო მას შეხებოდა. ამით საქართველოს ფაქტიურად ჩამოშორდა მისი ყველაზე მნიშვნელოვანი სამხრეთი ნაწილი.

ამის შემდეგ სარგის ჯაყელი უფრო გაძლიერდა, ყენმა მას დაუმტკიცა მთელი მესხეთის ერისთაობა. გიორგი ბრწყინვალის გამეფებამდის (1318 წ.) მესხეთის მფლობელნი უშუალოდ ემორჩილებოდნენ ეგრეთ წოდებულ ილხანებს, ე. ი. ჩინგიზ ყენის დინასტიის იმ ხანებს, რომელნიც წინა-აზიას, ირანს, შუამდინარეთს და მცირე აზიას ფლობდნენ: „მიერთგან იქმნეს ჯაყელნი ულუსისანი ვიდრე ჟამთამდე მეფეთა შორის ბრწყინვალისა და საჩინოსისა დიდისა გიორგისთა“-ო, ამბობს მემატიანე.

აი ასეთი გართულებული და მძიმე პოლიტიკურ პირობებში გარდაიცვალა ულუ დავითი V, რომლის შემ-

დღე ქართლის მეფედ ყაენმა დაამტკიცა მისი მცირეწლოვანი ზემკვიდრე დიმიტრი (1270—1289 წ.).

ახალგაზრდა მეფე დიმიტრი ფიზიკურად იყო ახალგაზრდა, თავისი თვისებით გულადი ვაჟკაცი და ამასთანავე ქვეშევრდომთა მოსიყვარულე. ქართველი მემამულეები მას ასე ახასიათებდნენ:

„იყო ესე დიმიტრი ტანითა ახოვანი, ფერითა ჰეროვანი, შესახედავად ტურფა, თმითა და წვერითა მწყაზარი და მშვენიერ, თვალთა გრემა, ბეჭ-ბრტყელ და შეწყობილ სამხედროთა წესითა, სრული ცხენოსანი და მშვილდოსანი რჩეული, უხვი, მოწყალე და მდაბალი, გლახაკთა, ქვრივთა და დავრდომილთა მოწყალე, რამეთუ აქუნდა ჩვეულებადი აღილოს საფასე, და აღდგმის ღამე და მოვლის ქალაქი, და მოიხილნის გლახაკნი და დავრდომილნი და ობოლნი და თვისითა ხელითა მისცემდის ყოველთა“-ო. Ⴀ

დიმიტრი II ავრძელებდა თავის მამის პოლიტიკას. იგი კარგად გრძნობდა, რომ სამეფო ტახტის შენარჩუნებასთან ერთად მონღოლთა ბატონობის პერიოდში საქართველოს პოლიტიკური კავშირის განმტკიცება მეზობელ ქვეყნებთან, განსაკუთრებით ტრაპიზონის სამეფოსთან, რომლის დამორჩილებას ცდილობდა ბიზანტიის კეისარი. ამ მიზნით დიმიტრი ცოლად ირთავს ტრაპიზონის მეფის ასულს და ასეთი ნათესაური კავშირით კვლავ აღდგენილ იქმნა საქართველოსა და ტრაპიზონის სამეფოს შორის წინად არსებული კავშირი.

დიმიტრი II ამასთანავე ცდილობდა მონღოლების

ერთგულ სამსახურით განემტკიცებინა სამეფოს საზღვარ  
და საგარეო მდგომარეობა, ხელი შეეწყო ქვეყნის ეკონ-  
ომიურ აღორძინებისა და გაძლიერებისათვის. ამ მიზნით  
იგი მონაწილეობას იღებდა მონღოლთა შორეულ ლაშ-  
ქრობაშიც. 1281 წელს დიმიტრიმ 5000 ქართველ ჯა-  
რით მონღოლებთან ერთად გაილაშქრა ეგვიპტეში, სა-  
დაც ეგვიპტის სულტანის წინააღმდეგ იბრძოდა მონღო-  
ლების დიდი ლაშქარი, რომლის რიცხვი აღწევდა 25.000  
კაცს.

პირველი მნიშვნელოვანი ბრძოლა ქ. ლურბაზაკთან  
მოხდა, მეორე—ქი ქ. ამასიის (ჰემსს) მახლობლად 1281 წ.  
30 ოქტომბერს. ამ ქალაქს ეგვიპტის მანსურ სულტა-  
ნი იცავდა თავისი ჯარით. მონღოლთა ლაშქრის სარ-  
დალი იყო მანგუ-დემური, რომელთან ერთად ბრძო-  
ლაში მონაწილეობას იღებდნენ ნოინები (მთავრები):  
ალიყანი, სირმონის შვილი ებაგან, იასბუღა და  
მეფე დიმიტრი.

ბრძოლის დაწყების წინ დიმიტრიმ სთხოვა მანგუ-დე-  
მურს, „რათა წინა-მბრძოლად განაჩინოს იგი და სპა (ჯა-  
რი) მისი; რომლისათვისცა ისმინა, და იქმნა ბრძოლა  
სასტიკი და ძლიერი“. პირველ შეტაკებისას მეფე დიმიტ-  
რი და მისი მხედრობა გმირულად იბრძოდა. ქართველებ-  
მა სულტანის ბევრი ჯარი დახოცეს. მაშინ სულტანმა  
გამოიყვანა ახალი 12.000 რჩეული ლაშქარი ყარა-სუნ-  
ლულისა და იაკუბის მეთაურობით. გაჩაღდა სასტი-  
კი ომი, რომელმაც იმსხვერპლა ქართველთა ჯარის დი-  
დი ნაწილი. მეფეს ცხენიც მოუკლეს. მის სიცოცხლეს

განსაცდელი მოელოდა, მაგრამ დიმიტრი გმირულად ვა-  
ნაგრძნობდა მტერზე შეტევას, სანამ ყარა-სუნღულის და  
იაყუბის ლაშქარი ბრძოლის ველიდან არ გააქცია. ამის  
შესახებ ქართველი მემატრანე ასე მოგვითხრობს: „განძ-  
ლიერდა ომი და მოსწყდა ორგნითვე ურიცხვი. მაშინ  
მსწრაფლ ზედა მოეტევნეს მეფესა ყარა-სონღულ და ია-  
ყუბ ათორმეტი ათასითა რჩეულითა მხედრითა. და  
კვალად იქმნა სასტიკებაი ესე-ვითარი რომელ ორ ასი  
მხედარი წინა-მბრძოლად განეწესნეს მეფესა, სრულიად  
მოისრნეს, თვინიერ მეფისა და სამთა კაცთა და სამთა  
ცხენთასა. ეგრეთვე ჰუნე (ცხენი) მეფისა მოიკლა ყარა—  
სუნღულისა მიერ შუბითა: ხოლო მხილველთა ქართველთა  
იწყეს ბრძოლა ძლიერად და უმრავლესნი მეგვიპტელნი  
მოისრნეს და მეფეცა ცხენ-მოკლული იბრძოდა: ხოლო  
ვითარ იხილა მეფე სიქანალის ძე-მან, აბაშ-მან, მყის აღსვა  
მეფე ჰუნესა თვისსა. ვითარცა იხილეს მეფე ამხედრებული  
ქართველთა. მაშინ ყოველნი ამხედრდეს, და მეოტ იქმ-  
ნეს ყარა-სუნღულ და იაყუბ ათორმეტი ათასთა თვის-  
თა თანა“-ო.

ამ ბრძოლაში სპარს-მონღოლები დამარცხდნენ, მან-  
გუ-დემური და ნოინებიც გამოიქცნენ და მეფე დიმიტრი  
თავისი ლაშქრით იძულებული იყო დაეტოვებინა ბრძო-  
ლის ველი.

როდესაც აბალა ყაენს ერთმა ლტოლვილმა თათარმა  
ამცნო დამარცხების ეს ამბავი, ყაენმა მას გამოჰკითხა,  
თუ როგორ იბრძოდნენ მისი სარდლები:

„ხოლო მან, კითხულმან, ყოველივე ლექსთა მიერ შეწ-

ყოფილ წარმოუთხრა, ენათა მათითა, თვითოეულისა მათაჲ  
რისა ვედრებაი. ალიყანისა-თვის თქვა ვითარცა მსაღი  
ლით მომავალი შავარდენი მოუხდა. და მანგუდემურ ვერძ-  
სა მიახსავსა, სირმონის შვილი ებაგან—მსლტომელსა  
ვეფხსა და იას-ბულა მოზვერსა, ბულა კამბეჩსა, ხოლო  
ქართველთა მეფისათვის ესრეთ თქვა, ენითა მათითა.  
„თენგარიმეთუ ქაურქუბაი, ბულარმეთუ ბუირლაჯი“. ესე  
იგი არს, ვითარმედ „ვითა ღმერთი გრგვინვი-  
დეს, ვითა აქლემი ბულრობდეს“-ო.

მემატიანის ცნობით ამ ბრძოლაში გამოჩენილ გულა-  
დობისათვის აბალა ყაენმა დიდი პატივისცემით მიიღო მე-  
ფე დიმიტრი, დაასაჩუქრა იგი და საქართველოში გაის-  
ტუმრა.

მონღოლების გამუდმებული ლაშქრობა ფიზიკურად  
ანადგურებდა პატარა საქართველოს მოსახლეობას, რო-  
მელიც მონღოლების მძიმე ხარკიანობის გამო ისედაც გა-  
ნიცდიდა დიდ ქონებრივ გაჭირვებას. ეს გარემოება კი-  
დევ უფრო მეტად ამწვავებდა არსებულ პოლიტიკურ ბრძო-  
ლას სასულიერო წოდებასა და გაღარიბებულ ფეოდა-  
ლურ არისტოკრატias შორის. ამ ბრძოლაში დიმიტრი  
მეფე გარკვეული პოლიტიკურ-ეკონომიურ მოსაზრებით  
ემხრობოდა ფეოდალურ არისტოკრატias. ქვეყნის მძიმე  
ეკონომიურ პირობების შესანელებლად სახელმწიფო იძუ-  
ლებული იყო მოეხდინა საეკლესიო მამულების სეკულარი-  
ზაცია მით უმეტეს, რომ სასულიერო წოდების ხელში  
იყო დიდძალი მამული და ქონება. იგი ამასთანავე თავი-  
სუფალი იყო მონღოლთა მოხარკეობისაგან.

ეკლესიის მესვეურები არ თანაუგრძობდნენ ხალხის გასაჭირს და არც კი ფიქრობდნენ ასეთ მძიმე პირობებში დახმარება აღმოეჩინათ სახელმწიფოსათვის. ამის გამო მიუხედავად ეკლესიის წყევლა-მუქარისა დიმიტრიმ უშიშრად გაატარა ეს რეფორმა და ეკლესიას მამულები ჩამოართვა.

საქართველოს ეკონომიურ გაჭირვებას ამ დროს ზედ დაერთო სტიქიური უბედურება-საშინელი მიწის ძვრა, რომელმაც დაანგრია მრავალი სოფლები, ციხე-კოშკები, ეკლესია-მონასტრები და სხვა. განსაკუთრებით დაზიანდა კახეთი და მესხეთი.

„საფუძვლიანურათ შეიძრა ქვეყანა და დაიქცეს საყდარნი და მონასტერნი, ეკლესიანი და ციხენი, სახლნი და ნაშებნი მოოხრდეს, მთანი და ბორცვნი დაიზვინნეს. მიწა განიპო და შავი წყალი, მსგავსად კუპრისა აღმოიჭრა ქვეშითგან, ხოლო ხენი დაეცნეს და ირყეოდინ ძვრასა ქვეყნისასა, ვიდრე თთვისა ერთისა ჟამთამდე. ურიცხვი სული მოსწყდა“-ო, მოგვითხრობს მემატიანე.

ასეთი სტიქიური უბედურების შემდეგ მოსახლეობას რასაკვირველია ხარკის გაღება არ შეეძლო. ამ გარემოებას ყურადღება მიაქცია თვით აბაღაყენმა, რომელმაც მოახდინა მოსახლეობის ხელახალი აღწერა გასაგებათ იმისა „რომელი ქვეყანა აოხრდა, გინდა აღშენდა“. ამ აღრიცხვის შემდეგ მემატიანის სიტყვით გამოირკვა, რომ საქართველოში „უმრავლესნი მოოხრებული იყო, უმეტეს ჰერეთი და კახეთი“-ო.

მიუხედავად მძიმე ეკონომიურ პირობებისა, დიმიტრი II

შეძლებისდაგვარად ცდილობდა აღედგინა დანგრეული და გაპარტახებული სოფლები. ის ხელს უწყობდა განხიზნულ მოსახლეების სოფლებში დაბრუნებას მიწების კვლავ დასამუშავებლად.

ამაზე ქართველი მემატიანე მოგვითხრობს, რომ მეფემ „აღაშენნა ქვეყანანი მოოხრებულნი“-ო.

ამ დროს მონღოლთა ხანებს შორის დაიწყო ბრძოლა ყენის ტახტის ხელში ჩასაგდებად, რაც კიდევ უფრო მეტად ამწვავებდა საქართველოს შინაურ პოლიტიკურ მდგომარეობას. საქართველოს მეფეებს ძალაუნებურად უხდებოდათ მონაწილეობის მიღება მონღოლთა მართველობის ამ შინაურ ბრძოლაში. ბრძოლა იყო სასტიკი და დაუნდობელი, რასაც მრავალი მსხვერპლი შეეწირა. დიმიტრი მეფეს, როგორც ერანის ილხანების ქვეშევრდომს, უნებლიეთ უხდებოდა მონაწილეობის მიღება მონღოლთა ამ დინასტიურ ბრძოლაში. ის სამეფოს ინტერესების დაცვისა და მისი დამოუკიდებლობის შენარჩუნების მიზნით იძულებული იყო მიმხრობოდა ერთ რომელიმე დაჯგუფებას.

1282 წელს გარდაიცვალა აბლა ყენი და ნოინებმა ყენად დასვეს მისი ძმა თალუთარი, რომელმაც აღიარა ისლამის სარწმუნოება და იწოდა აჰმადად. დიმიტრი ერთვულების გამოსაცხადებლად წავიდა ურდოში, სადაც იგი მიიღეს პატივისცემით და აჰმადმა განამტკიცა მისი უფლებები. დიმიტრიმ ამასთანავე გარკვეული პოლიტიკური მოსაზრებით თავისი ასული რუსუდანი მიათხოვა



ერთ მთავარ ნოინს ბუღას, რომელსაც დიდი გავლენა ჰქონდა ყაენის კარზე.


ბულა ნოინი დიდ მფარველობას უწევდა დიმიტრის ყაენტან. ამ ბუღას დახმარებით მეფე ცდილობდა შეემსუბუქებინა საქართველოსთვის მონღოლების ბატონობისა და ხარკიანობის სიმძიმე.

აჰმადი იყო სუსტი ნებისყოფის ყაენი და საყაენოს ფაქტიურად განაგებდნენ ნოინები. მას ჩქარა აუხმედრდნენ ილხანთა სახელმწიფოს ხანები, განუდგნენ მას და ყაენად დასვეს აბალას შვილი არლუნი. მაშინ აჰმადმა გაილაშქრა ხვარასანში და დასახმარებლად მოუწოდა მეფე დიმიტრის, რომელმაც შეკრიბა ლაშქარი და წავიდა ერაყში, სადაც არლუნი იყო გამაგრებული. გაერთიანებულ ქართველ-მონღოლთა ჯარებთან არლუნმა ვერ გაბედა შებრძოლება და გამაგრდა ქალასას ციხეში. ქართველ-მონღოლთა ლაშქარმა ამ ციხეს ალყა შემოარტყა. ძლიერი არლუნი იძულებული შეიქმნა თავის ბიძა აჰმადისათვის ეთხოვა პატიება და უვნებლობის ფიცი.

აჰმადმა შეპყრობილი არლუნი ნოინებს გადასცა იმ განზრახვით, რომ მცირე ხნის შემდეგ იგი მოეკლათ.

დიმიტრი მეფე მაღლიერმა ყაენმა დიდის პატივით გამოისტუმრა საქართველოში: „ყაინმან დიდად დაუმაღლა მეფესა თანახლებაი ხვარასანს და პატივიცა უყო დიდ და ყოველნი მთავარნი საქართველოსანი მოსცნა“-ო, ამბობს მემათიანე.

ბუღას ჩაგონებით ნოინებმა ახლა ხელმეორედ მოაწყეს შეთქმულება, რომ მოეკლათ აჰმადი და ყაენად ისევ



არლუნი დაესვათ. ეს შეთქმულება ჩქარა სისრულეში იქმნა მოყვანილი. აჰმადი ჩამოახრჩეს და ბულას დახმარებით ყაენად დაჯდა არლუნი. ამის შემდეგ უფრო გაძლიერდა ბულას გავლენა ყაენის კარზე. ბულას მოწოდებისთანავე დიმიტრი მაშინვე განუდგა აჰმადის ჯგუფს, მივიდა არლუნთან და მას განუცხადა მორჩილება; „ხოლო მეფესა დიმიტრის პირველვე მიუმცნეს, რათა განეყენოს აჰმადას, და ყოცა მეფემან, და მობრუნდა, და მოვიდა ყაინს არლუნს წინაშე: ხოლო მან კეთილად შეიწყნარა, და მოსცა ყოველი სამეფო თვისი და სახლი ავაგ ათაბაგისა, რამეთუ ყაინი ხელთა შინა ბულასათა იყო და ბულა მოყუარეცა იყო და მზახალი მეფისა“-ო, ამბობს მემატიანე.

ამგვარად მეფე დიმიტრიმ ბულას დახმარებით ყაენის კარზე შეძლო საკმაო გავლენისა და პატივისცემის მოპოვება, რაც ხელს უწყობდა მისი სამეფოს პოლიტიკურ-ეკონომიური მდგომარეობის გაუმჯობესებას. ამას ქართველი მემატიანეც აღნიშნავს: „ხოლო მან დიმიტრი მეფემან მოიგო სიმდიდრე დიდად დიდი და მსახურებდა ყაინს არლუნს. რამეთუ თანა შეეწეოდა ნოინი დიდი ბულა, რომელსა პატივად ჩინგსანგობა მისცა ყაინმან, რომელიცოველთა უმეტეს არს“-ო.

მაგრამ ერანის ილხანის პირველ ვაზირის ბულას ასეთი მფარველობა ბოლოს დიმიტრი მეფის ტრალიკულ აღსასრულის მთავარ მიზეზად გადაიქცა. ჩქარა გამოიქვლია და აღვინდა, რომ ყაენის მიერ ჩინგსანგობამდის (ეს იყო მონღოლების უმაღლესი ხარისხი) აღზევებული ყოვ-

ლად ძლიერი ბუღა, რომელიც დიდის ნდობით იყო ყაენის მიერ აღჭურვილი, მონაწილეობას იღებდა არღუნის წინააღმდეგ მოწყობილ შეთქმულებაში. მაშინ არღუნმა გასცა ფიცხელი განკარგულება, რათა შეეპყრათ ბუღა, მისი მომხრე ნოინები და მთავრები.

1286 წელს სიკვდილით დასაჯეს ბუღა, მისი შვილი და ნათესავები. ასეთივე ბედი ეწიათ შეთქმულებაში მონაწილე ნოინებსა და მთავრებს.

ამის შემდეგ დიმიტრი მეფესაც, როგორც ბუღას მეგობარსა და მძახალს, დიდი განსაცდელი მოელოდა, მით უმეტეს, რომ მასაც შესწამეს ყაენის წინააღმდეგ მოწყობილ შეთქმულებაში მონაწილეობის მიღება. მართლაც, მალე დიმიტრის გასაწვევად მოვიდა ყაენის ელჩი: „და წარმოავლინა ელჩი მეფისად. მხმობელმან ყაენმან, და აწვია ურდოსა მეფე. ხოლო ვითარ სცნა სიკუდილი ბუღასი მეფემან, დაუმძიმდა დიდად“-ო.

დიმიტრიმ კარგად იცოდა, რომ შურისძიებით გაბოროტებული ყაენი მასაც არ დაინდობდა და ურდოში წასვლა ნიშნავდა სიცოცხლის განწირვას. ამიტომ მან მოიწვია სახელმწიფო დარბაზი და შეეკითხა, თუ როგორ მოქცეულიყო. ამ ამბავმა დიდი შეშფოთება გამოიწვია და მოსალოდნელი საფრთხის წინაშე ყველანი გაერთიანდნენ. თვით სასულიერო წოდება, რომელიც ებძოდა მეფის ხელისუფლებას, ახლა მას გვერდში ამოუდგა. გაერთიანებული სახელმწიფო დარბაზის წინაშე წარსდგა მეფე დამიტრი, რომელსაც გადაწყვეტილი ჰქონდა თავის ერისათვის თავგანწირვა და მოახსენა:

„ისმინეთ ჩემი ყოველთა, კათალიკოზთა და ებრაელთა-  
პოსთა და წარჩინებულთა სამეფოსა ჩემისათა ვითარ-  
მედ—შეისვენა მამაჰან, დაეშთი ყრმა მცირე, მცლავრენა,  
სა შინა თათართასა, და ღმერთმან ყოვლისა მპყრობელმან,  
დამიცვა და მიმაწია ჰასაკად სისრულისა და მომმადლა  
მეფობაი, და აქამომდე მშვიდობით ჰგეეს სამეფო ჩემი.  
აწ განრისხებულ არს ყაინი, და ყოველი მთავარი მისი  
მოუწყვედიან, და აწ მე მიწოდს წინაშე მისსა: ვჰგონებ  
ბოროტის ყოფასა, თუ არ წარვიდე ურდოსა. და წარვი-  
დე მთიულეთს, სიმაგრეთა შინა და დავიცვა თავი ჩემი,  
და აჰა ყოველი სამეფო წინაშე მათსა ძეს. იხილეთ რაედე-  
ნი სული ქრისტეანე სიკუდილსა მიიცემის და ტყვე იქმნების.  
და უკეთუ წარვიდე ყაინს წინაშე, დასტურობით უწყი  
—მომკლავს. და აწ სიბრძნითა თქვენითა განაგეთ. მე ეს-  
რეთ ვჰგონებ. მრავალ მღელვარე საწუთო ესე, დაუდგ-  
რომელ და წარმავალ, დღენი ჩვენნი სიზმრებრ და აჩრ-  
დილებრ წავლენ, და უნებელ და მსწრაფლ თანაგვადს  
წარსვლა სოფლისა ამისაგან. რა სარგებელ არს ცხოვრე-  
ბა ჩემი, უკეთუ ჩემთვის მრავალი სული მოკუდეს და მე  
ტვირთმიძიმე ცოდვითა განვიდე სოფლისა ამისაგან. აწ  
მნებავს. რათა წარვიდე ყაინს წინაშე, და იყოს ნება ღვთი-  
სა. უკეთუ მე მომკლან, ვჰგონებ ქვეყანაი უვნებლად დარ-  
ჩეს“-ო.

მეფის სიტყვამ ააღელვა მთელი დარბაზი, დიდებუ-  
ლები მეფეს ემუდარებოდნენ—ხელი აეღო თავგანწირვა-  
ზე. მას ურჩევდნენ მთიულეთში გახიზვნას და იქ გამაგ-  
რებას.

„არა არს ნაცვალი (მაგიერი) შენი, მეფეო. გაშორის  
ღმერთმან მოკვლა თათართაგან. მოოხრდეს ქვეყანაი,  
შვილნი შენნი მიმოდაიბნევიან. თუ ქვეყანაცა დასაღმრთისა,  
რა არს ნაცვალი შენი. აწ გეზრახებით, რათა წარხვი-  
დეთ სიმაგრეთა მთიულეთისათა, ანუ აფხაზთასა, ვითარ  
ქმნა მამამან შენმან, და არა საჭირო არს განწირვა სუ-  
ლისა შენისა. შენგან ჩვენ ყოველნი მტკიცედ ვჰგიეთ  
ერთგულებასა“-ო.

მაგრამ სახელმწიფო დარბაზის ეს რჩევა დიმიტრიმ  
არ მიიღო და შეურყეველი სიმტკიცით განაცხადა: „მე  
დავსდებ სულსა ჩემსა ერისათვის ჩემისა, და  
არ დავიშლი ურდოს წასვლასა“-ო, ანუ პოე-  
ტის სიტყვებისა არ იყოს:

„მე ვეძლევ ნებით მტერსა,  
ჩემს სიცოცხლეს, ჩემსა სისხლსა  
თითონ ვწირავ მე ჩემს ერსა.

თუ სიკვდილი სახელად გაქვთ  
მაგდენს ჩემთვის—ერთისათვის,  
მაშ რად მიშლით თავდადებას  
მე ერთს—მთელის ერისათვის!

არა! წავალ, არ დავდგები,  
დე ასრულდეს ნება ღვთისა,  
ხოცი მოკვდეს, სული ცხონდეს  
მეფის თქვენის დიმიტრისა“.

(ი. ჭავჭავაძე, დიმიტრი თავდადებული)

მთელი დარბაზი სასოწარკვეთილებამ მოიცვა:

„მაშინ განკვირვებულნი ყოველნი აღდგეს და ჰქმნა აბრაჰამ კათოლიკოზმა: არა არს საქმე, მეფეო (ჟეჟეჟე-სი) უკეთუ განსწირავ სულსა შენსა. რამეთუ მრავალთა მეფეთა მოურიდნია და დაუცავს სული თვისი. აწ თუ შენ დასდებ სულსა შენსა ერისთვის, ჩვენ ყოველნი ვიტყვირთავთ ცოდუათა შენთა. უფროს ამისა სიყუარული არა არს, რათა დადვას კაცმან სული თვისი მოყუასისათვის. და უკეთუ ერთისა მოყუასისათვის სულისა დადება კეთილი არს, რადენ ურიცხვთა სულთა ცხოვნებაი ეგოდენ სარგებელ არსა“-ო.

კათალიკოზის სიტყვებმა შთაბეჭდილება მოახდინა და სახელმწიფო დარბაზისაგან თანხმობის მიღების შემდეგ დიმიტრი შეუდგა სამზადისს ურდოში წასასვლელად. მან თავისი შვილები და ოჯახი წევრები გახიზნა საქართველოს სხვადასხვა მხარეში. მხოლოდ თავისი უფროსი შვილი დავითი, ტახტის მემკვიდრე, თან წაიყვანა იმ მოსაზრებით, რომ ყაენი მას შეიწყალებდა და დაამტკიცებდა ქართლის მეფედ—„იზისათვის, რომელ უეჭველ იქმნას ყაენი და ჰგონოს ერთგულება მისი“-ო.

დიმიტრი მეფე თავის ამალით რომ წავიდა ურდოსკენ, გზაზე მას შეხვდა ყაენის წარმოგზავნილი ნოინი, რომელმაც მეფეს ჩამოართვა ბარგი. ის შეპყრობილი მიიყვანეს ყაენთან: „მყის აღიღო ყოველი ბარგი და სიმდიდრე მისი და მეფე პყრობილ ჰყო და მიიყუანა ყაენს არღუნს წინაშე“-ო.

ყაენმა დიმიტრი, როგორც ბუღას მომხრე, მაშინვე



სურ. 1. დიმიტრის წასვლა ურდოში.

დააპატიმრა. მაგრამ მეფის დასჯაზე თავს იკავებდა, ვინ-  
რე არ გამოიჩინებოდა, თუ ვინ უნდა გამეფებულიყო  
ქართლში მის შემდეგ. ამით ისარგებლა დიმიტრის  
რადმა მტერმა ხუტლუ-ბულამ, რომლის მამა ხოჯა-  
აზიზი მოკლულ იყო დიმიტრის მამის ულუ დავითის  
მიერ. მან ყაენს მოახსენა, რომ ქართლში გაემეფებინა  
იმერეთის მეფის ნარინ დავითის შვილი ვახტანგი,  
რომელიც ყაენს დაუმორჩილებდა დასავლეთ საქართვე-  
ლოსაც.: „ხოლო ჰრქუა ხუტლუ-ბულა ყაინსა. ნუ იურვი  
მაგას, რამეთუ მე მოვიყვანო შვილი აფხაზთა მეფისა და-  
ვითისი, სახელით ვახტანგ, და მას მიუბოძე მეფობაი, რო-  
მელ ორივე სამეფო ბრძანებასა შენსა ჰმორჩილებდეს“-ო.  
ყაენს ეს წინადადება მოეწონა და ამ მიზნით საქართ-  
ველოში მან გამოგზავნა ხუტლუ-ბულა.

მონღოლური სამართლის მიხედვით შეპყრობილ მეფეს,  
როგორც მოღალატეს, უნდა ჩამორთმეოდა პირადი ქონე-  
ბა. ყაენის ბრძანებით, უნდა აღეწერათ „ყოველი სიმდიდ-  
რე მისი (მეფისა), საჭურჭლე, ზროხა და ცხვარი და ყო-  
ველი საქონელი მისი“-ო.

მეფის ქონების წამოსაღებად ყაენმა საქართველოში  
გამოგზავნა თავისი მოხელე და მონღოლებმა „წამოიღეს  
ყოველი“. ისე რომ მეფის ქონებისაგან „არა რა დაშ-  
თა“-ო. მეფის სიმდიდრე თვით ყაენსაც გაჰკვირვებია:  
„და მივიდა საჭურჭლე მეფისა ყაინს წინაშე, განჰკვირ-  
და სიმრავლისათვის“-ო.

განსაცდელის ჟამიც ახლოვდებოდა. ვაზირ-დიდებუ-  
ლები მეფეს სთხოვდნენ სიკვდილი აეცდინა და გაპარული-



ყო ურდოდან, მაგრამ დიმიტრი უარზე იდგა და ამბობდა, ისმინეთ ჩემი: „პირველვე უწყობი სიკვდილი ჩემი, გარნა დავსდევ თავი და სული ჩემი ერიისათვის ჩემისა: ხოლო აწ, თუ წარვიდე, უბრალო ერი მოისრას. რა სარგებელ არს, უკვე ყოველი სოფელი შევიძინო, და სული წარვიწყმიდ“-ო.

ჩქარა ხუტლუ-ბულაც დაბრუნდა საქართველოდან და ყაენს მოახსენა, რომ იმერეთის მეფე დავითი თანახმაა საქართველოს მეფედ წარმოგზავნოს თავის ძე ვახტანგიო.

ამის შემდეგ ყაენმა განკარგულება გასცა დიმიტრის სიკვდილით დასჯის შესახებ. ყაენის განაჩენს მეფე გმირულად შეხვდა და როდესაც ჯალათებს იგი თავის მოსაკვეთად მიჰყავდათ, მეფე ღიმილით დაემშვიდობა ვაზრიდებულებს, რომლებიც ჰგოდებდნენ მეფის დაკარგვას:

„და მოიწივნეს ათორმეტნი მხედარნი ყაენისნი, რათა წარიყვანონ და სიკუდილსა მისცენ. ხოლო ვითარცნა მეფემან საკუდილი თავისა თვისისა, მხიარულითა პირითა მოიკითხვიდა მთავართა საქართველოსათა. და ყოველთა მთავართა იწყეს ტირილად და განვიდეს გარე“-ო.

1289 წლის 12 მარტს მეფე დიმიტრი სიკვდილით იქმნა დასჯილი, რომლის წინ მემატიანის სიტყვით: „ილოცვიდა ცრემლთა მოდინებითა ქვეყანასა ზედა“-ო, ხოლო პოეტის თქმით:



სურ. 2. მეფე დიმიტრი ყაენის წინაშე.

„ატირდა და აატირა  
ყველა კაცი იქა მდგომი:  
გულის სილბო სიტურფეა,  
თუ კაცია სხვათრივ ლომი.

მართალს ვაეკაცს ის ამშვენებს,  
როცა გულითაც ლბილია;  
რკინის კაცის თვალში ცრემლი  
დიდსულოვნობის შვილია“.  
(ი. ჭავჭავაძე, დიმიტრი თავდადებული).

„მერმე წარუბყრა ქედი და წარჰკვეთეს მეფეს დი-  
მიტრის თავი“-ო.

— «ჰა, ჯალათო!» — დაიძახა  
და კისერი გაიწვდინა.

მანც აილო ხელთ ნაჯახი,  
ერთს წამს კისერს დაუსწორა,  
დასცა და ერთის დაკვრითა  
თავი ტანსა მოაშორა“.

ყენის ურდოში ნებაყოფლობით მისულის და იარაღ  
აყრილ მეფის სიკვდილით დასჯა ამქლავნებდა არ-  
ღუნ ყენის სულმდაბლობას, რაც საშინლად აღელვებდა  
მამაც მეფის ამალას.

„ჩვენს საქართველოს, ჰე, მეფევ,  
ბევრი რამ გადაჰხედია,  
მაგრამ უომრად მტრისა წინ  
არ წაუხრია ქედი“

მაგრამ შურისძიებით გაბოროტებულ ძლიერ ყაენის წინაშე მეფის მცირე ამაღა უძლური იყო.




„რა ჰქმნას? თითონც მამაცია, მამაციც ჰყავს ჯარი, ერი, მაგრამ ერთს რომ ასი გცემდეს, კლდეც რომ იყო, გაგტეხს მტერი“.

მეფის ამაღას გოლს უკლავდა ის გარემოება, რომ ყაენის ჯალათები ყარაულობდნენ მეფის ნეშტს, რათა იგი ქართველებს არ მოეპარათ. მაშინ ქართველებმა მოისყიდეს ყარაულები, მოიპარეს მეფის ნეშტი და თბილისელმა ვაჭრებმა, რომლებსაც თევზი მოჰქონდათ, იგი მალულად წამოასვენეს. მეფე დიმიტრი დაასაფლავეს მცხეთაში.

ასე ტრალიკულად დამთავრდა ამ უშიშარ და რაინდ მეფის სიცოცხლე. მან გვიჩვენა თავისი ხალხისათვის თავგანწირვის იშვიათი მაგალითი.

ასეთ თავგანწირვისათვის ისტორიამ მას ღირსეულად უწოდა თავდადებულს.



3/მ რედაქტორი პროფ. ს. კაკაბაძე

შეკვეთის № 447

უფ 6981

ტირაჟი 2500

პოლიგრაფიული კომბინატი „კომუნისტი“, თბილისი, ლენინის ქ. № 28.